

ქალაქ ქუთაისის მუნიციპალიტეტის საკრებულო გ ა ნ კ ა რ გ უ ლ ე ბ ა

№ _____

ქალაქი ქუთაისი _____ მარტი _____ 2026 წელი

ქალაქ ქუთაისის მუნიციპალიტეტის საკუთრებაში არსებული მოძრავი ქონების
არასამეწარმეო (არაკომერციული) იურიდიული პირის
„იმერეთის დანიშნულების მართვის ორგანიზაციისათვის“
პირდაპირი განკარგვის წესით, უსასყიდლოდ, თხოვების ფორმით,
უვალო სარგებლობაში გადაცემის თაობაზე,
ქალაქ ქუთაისის მუნიციპალიტეტის მერისათვის
თანხმობის მიცემის შ ე ს ა ხ ე ბ

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „დ“ ქვეპუნქტის „დ.ა“ ქვეპუნქტის, „ე“ ქვეპუნქტის „ე.ე“ ქვეპუნქტის, 122-ე მუხლის პირველი პუნქტის „ე“ ქვეპუნქტის, ამავე მუხლის მე-4, მე-5 და მე-6 პუნქტების, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილების, „ქალაქ ქუთაისის მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრისა და ანგარიშსწორების წესების დამტკიცების შესახებ“ ქალაქ ქუთაისის მუნიციპალიტეტის საკრებულოს 2015 წლის 9 იანვრის №65 დადგენილებისა და ქალაქ ქუთაისის მუნიციპალიტეტის მერის 2026 წლის ----- მარტის №------მომართვის შესაბამისად:

მუხლი 1. მიეცეს თანხმობა ქალაქ ქუთაისის მუნიციპალიტეტის მერს, არასამეწარმეო (არაკომერციული) იურიდიული პირის „იმერეთის დანიშნულების მართვის ორგანიზაციისათვის“ (საიდენტიფიკაციო კოდის №412722914) პირდაპირი განკარგვის წესით, უსასყიდლოდ, თხოვების ფორმით, არსებობის ვადით, ქალაქ ქუთაისის მუნიციპალიტეტის საკუთრებაში არსებული მოძრავი ქონების, კერძოდ, „საქართველოს სოციალური და ეკონომიკური განვითარების ხელშეწყობის“ საგრანტო პროექტის ფარგლებში (გრანტის ნომერი №81308768) ქალაქ ქუთაისში, ვერიკო ანჯაფარაძის სახელობის სკვერის არეალში (საჯარო რეესტრის ამონაწერი №03.03.01.546) მოწყობილი მცირე მეწარმეობის განვითარებისა და ხელშეწყობის ინფრასტრუქტურის (ხის სავაჭრო ჯიხური გარე სივრცით 1 (ერთი) ერთეული და ხის კონსტრუქციის ჯიხური რკინა-ბეტონის საძირკვლის ფილაში 9(ცხრა) ერთეული) სარგებლობაში გადაცემის თაობაზე.

მუხლი 2. არასამეწარმეო (არაკომერციული) იურიდიული პირის „იმერეთის დანიშნულების მართვის ორგანიზაციის“ (საიდენტიფიკაციო ნომერი №412722914) მიერ, თხოვების ფორმით, სარგებლობის უფლებით

გადაცემული მოძრავი ქონება, გამოყენებულ იქნეს მისი პირდაპირი დანიშნულებით, მცირე მეწარმეობის განვითარებისა და ხელშეწყობის მიზნით.

მუხლი 3. ცნობად იქნას მიღებული რომ, „საქართველოს სოციალური და ეკონომიკური განვითარების ხელშეწყობის“ საგრანტო პროექტის ფარგლებში (გრანტის ნომერი №81308768) ქალაქ ქუთაისში, ვერიკო ანჯაფარიძის სახელობის სკვერის არეალში (საჯარო რეესტრის ამონაწერი №03.03.01.546) მოწყობილი იქნა მცირე მეწარმეობის ხელშეწყობის ინფრასტრუქტურა, 2024 წლის 17 სექტემბერს გაფორმებული სახელმწიფო შესყიდვის შესახებ №387 ხელშეკრულების თანახმად (ელექტრონული ტენდერი აუქციონის გარეშე №NAT240015989). შესრულებული სამუშაოების საერთო ღირებულება 242 689.29 (ორას ორმოცდაორი ათას ექვსას ოთხმოცდაცხრა ლარი და ოცდაცხრა თეთრი) ლარი.

მუხლი 4. ქალაქ ქუთაისის მუნიციპალიტეტის მერმა, უზრუნველყოს მოძრავი ქონების თხოვების ფორმით გადაცემისათვის საჭირო დოკუმენტაციის გაფორმება.

მუხლი 5. კონტროლი განკარგულების შესრულებაზე განახორციელოს ქალაქ ქუთაისის მუნიციპალიტეტის საკრებულოს ეკონომიკის, ქონების მართვისა და საქალაქო მეურნეობის კომისიამ.

მუხლი 6. განკარგულება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრაძის ქუჩა №11) გაცნობიდან ერთი თვის ვადაში.

მუხლი 7. განკარგულება ძალაში შევიდეს კანონით დადგენილი წესით.

ქალაქ ქუთაისის მუნიციპალიტეტის მერი:



დავით ერემეიშვილი